

FLIPÒT

Germana Cresto (Feletto - To)

1^a Classificata - Premio Comune di Torino

Eol ann ant ël cit país ëd montagna an ponta dla valada a l'era stàita mandà na magistra giovo giovo, a soa prima pràtica dè scòla. Pì che na magistra, a smijava la sorela pì granda dij sò anlev. A l'era pien-a 'd bon-a volontà e, combin ch'a l'avèissa dovù lassé soa famija a le pòrte dla sità pèr andé a sté da sola ant un leu spèrdù su pèr ij brich, a provava pà d'aringret.

A-j piasìa motobin scarpiné an mes a le pinere e, dòp la fiocada bondosa dl'inissi dè stagion, as amusava a fé a bale 'd fiòca con tuti ij sò citin. Minca tant, rachètte ai pé, a rivava fin-a a la bàita 'd Flipòt, un-a dle pì an àut ëd na borgà squasi an abandon.

Cost masnà, d'eut-neuv ani apeupré, a stasìa con ij cé, dal moment che mama e papà a j'ero 'ndait a servissi giù ant la pian-a.

As peul nen dì che, quand ch'a l'era vnù al mond, ël boneur a l'avèissa basalo an front, pèrchè a butava nen bon, màire come 'n ciò, sempe malaviucc e dzortut bèsancà e maleureus ant ël marcé.

D'istà, as contentava 'd guardé j'autri cit ch'a corio darera al sercion ëd na veja biciclètta, a combinavo 'd marminele con le flecie 'd bòsch e na pugnà ëd pere, opura a gieugavo con na bala 'd pata giù pèr ij prà, crijassand da fé arbombé la comba.

Flipòt a stasìa sempe da sol e sò desideri pì ancreus a l'era col ëd portesse pianòt an broa al castagné darera dla bàita e setesse dzora a 'n such a scoté le vos dël bòsch. Soa nossensa a ciamava pa ël pèrchè ëd cola dësgrassia, ma, 'n di che 'l cit a l'era pitòst malincònich, a l'avìa senti quajdun ch'a-j disìa:

“Flipòt, a venta nen ch'it sie 'd cativ umor. S'it l'has na pena ch'at tormenta, mi i son sì, pront a dete na man”.

Èl cit a l'avìa aussà lè sguard a 'n branch pòch pì 'n sù che soa testa 'ndoa a l'era posasse 'n bel farchèt.



“It deve savèj che mi i son al servissi dla faja ch’a goerna costa comba e lòn ch’a smija ’mpossibil a la gent pèr chila a l’è n’afé da gnente. Sò but a l’è col ëd fé dël bin. Torna doman ambelessi e i na parleroma mej”.

Flipòt a l’era stordi: un farchèt ch’a parlava e an pì ch’a-j ofrìa n’agiut?

A l’avria vorsù risponde, ma le paròle a j’ero fèrmasse ’n gola.

E, antant che ’l sol a mandava dè splùe dorà trames a le feuje, la bestiolin-a a l’avìa pijà ël vòl; ant un nen, a l’era mach pì un pontin nèir lassù ant la rochera. La neuit passà senza deurme a fasìa chërse l’anvija dl’ancontr dël di dòp, peui, an pòch temp, ij doi a vnisio amis pèr la pel. Pèr Flipòt as deurbìa ’n mond neuv, ch’a l’avria gnanca ’ncalasse a ’nmaginé.

Ij sò cé, ch’a savìo nen d’autut, a ’rmarcavo sodisfàit ël bon umor ch’a l’era ampadronisse dl’anvodin e a jë smijava che ’l cit a fussa fin-a pì an salute.

A rivava peui l’otogn, seguì a roa da l’invern. Combin che la fiòca a l’avèissa coata le bàite e la comba, virà a l’anvers, a vedèissa pì nen ël sol, ij doi amis a s’artrovavo minca di ant ël tèbbior ëd la stala; ël farchèt a rintrava, nen vist da j’àutri, da nè fnestròt senza véder.

A Flipòt a-j rinchèrsia ëd nen podèj andé a scòla, ma a bzognava calé al país, andoa cola magistra a riunìa ’nt un-a stansia dla comun-a jë scolé, dai pì cit a coj pì grand. Pèr chiel a l’era n’antrap marcé an mes dla fiòca, donca as contentava d’amprende a lese e a scrive con ij cé. Ma l’ancontr con l’amis calà dal cel a-j servìa pèr ëscofé e ’mprende stòrie ’d tanti leu lontan dal sò.

Pròpi pèr l’avzinesse dla bela stagion, la magistra, d’acòrdi con ël sìndich, a l’avìa organisà na festa con na gara ’d lesèt pèr ij sò anlev. As tratava d’utiss fàit a la bon-a, dai vej, arlongh le giornà d’invern, quand che ’n frèid ch’a sesia j’òss a-j pèrmèttia ’n pòch d’arlass, parèj lor a podìo fé content ij cit. Montand a trovè Flipòt, cola fijëtta ’d bon cheur a lo ’nvitava pèr la dumìnica dòp a calé al país, compagnà da sò grand. Via la magistra, Flipòt a spetava l’amis dël cheur e, nech nech, a l’avìa confidaje ’l dèspiasì ëd nen podèj pijé part ai gieugh.

“Chi ch’at lo dis ch’it peule nen essej ’dcò ti? It dovras mach fé coma ch’it dirai, i m’arcomando”.



Èl cit, pì sù ëd moral, a na parlava 'ntecà: al piasì ëd fesse porté a la festa, as giontava l'anvija tèmrosa dla gara.

Èl cé, malgré èl cheur an pen-a pèr col ninin, a l'avìa dit chë 'd sù e, gavà da la murà un vej lesèt, as prontava a rangelo.

Dumìnica 'd matin: un sol, ch'a scaudava 'ncora nen, tutun a fasìa giuamai babòja da la crèsta dla montagna e soa lus a robatava sle muraje dle bàite, pien-e 'd chèrpure ancreuse.

Na ciambrea ciaciarin-a 'd gagno, anvlupà ant le mantlin-e 'd lan-a grossera e con ëd bej rossèt stampà sij moreto, a spetava senza passiensia l'inissi dla competission.

A stasio pa pì ant la pel pèr cola festa foravía e, a l'ariv ëd Flipòt, setà ansima al lesèt tirà dal grand, a-j corio 'ncontra.

A j'ero 'd masnà pròpi a la bon-a, tant da nen armarché la diversità ëd col citin meno fortunà che lor e mai a l'avrìo anmaginà èl pèrchè Flipòt as trovèissa lì.

La fiòca a l'era sùita come farin-a e a sbalucava a guardela bërluse al sol ëd la matin ësclinta. Arlongh la còsta na coalera 'd pichèt a marcava la calà e, al signal ëd la magistra, ij gagnetò as portavo a la partensa. E giù èl prim, pì lest dël vent, peui lë scond e, a l'istessa manera, col ch'a fasìa tre.

Flipòt a 'ncaminava a perdse ëd coragi a la vista dla vajantisa dij cambrada ma, aussand lë sguard al cel, a 'ntravèddia quaicòs ch'a s'avzinava sempe ëd pì. Na vos, che mach chiel a podìa sente, a-j disìa:

"Andoma, Flipòt, ch'a l'é rivà èl moment. Ambranca costa còrda e taca sò ciò rampin a la traversa dël lesèt, peui lassa fé a mi".

E, sbatend j'ale, èl farchèt a l'avìa dèslia na marela che gnun a vèddìa e 'n ciò robust a l'era finì ant le man dël cit, antant che l'oslin a virava an riond. Col pòvr òm dël cé chi sa lòn ch'a l'avrìa dàit pèr nen esse lì an col moment, testimòni dla dèrota dl'anvodin e dzortut con la paura ch'as fèissa mal.

Ma, quand ch'a l'era tocaje a chiel, Flipòt, con le man sarà s-ciass a la còrda, a l'avìa ciapà l'andi. Sò passagi a carèssava pen-a la fiòca, pèrchè èl lesèt a volava leger come na piuma.

Èl citin, con j'euji sarà, ant un àtim a rivava al traguard, passand da bin an mes a tuti ij pichèt.

"Flipòt, lassa 'ndé èl ciò; i l'oma fàjla!".



E 'l farchèt, con la sveltëssa 'd na foëttà ëd lòsna, a s'artirava sota j'ale la sutila mascarìa. Gnun ëd j'àutri a l'avìa fàit pì an pressa a calé.

Duvertand j'euj, Flipòt as trovava 'nvironà da cit e grand ch'a lo festegiavo e, ant ël moment che 'l sìndich a lo nominava vincitor butandje al còl na midaja, con le lerne ch'a-j colavo bon-dose, a guardava 'nvers ël sol.

N'oslin a continuava sò girantond sempe pì an àut e al cit a jë smijava ch'a disegnèissa 'd sercc ch'a s'ancrosiavo, piturà con ij color ampërmuà da l'arcancel: a na vëddìa un celest, un nèir, un ross, un verd e un giàun.

Në sfiam ëd lus càndia a-j fasìa da drapò e a svantajava an mes a le nivole ëd bambasin-a a spass pë'r ël cel senza fin.



FLIPÒT

Germana Cresto (Feletto - To)

1^a Classificata

Quell'anno nel piccolo paese di montagna in punta alla vallata era stata mandata una maestra molto giovane, alla sua prima esperienza come insegnante. Più che maestra, sembrava la sorella maggiore dei suoi alunni. Aveva molta buona volontà e, nonostante avesse dovuto lasciare la sua famiglia alle porte della città, per andare ad abitare da sola in un paesino di montagna, non provava rammarico. Le piaceva molto camminare in mezzo alle pinete e, dopo l'abbondante nevicata di inizio stagione, si divertiva a giocare a palle di neve con i suoi alunni. Ogni tanto, con le racchette ai piedi, raggiungeva la baita di Flipòt, tra quelle più in alto di una borgata quasi abbandonata.

Questo bambino, all'incirca di otto, nove anni, abitava con i nonni, siccome i genitori erano andati a servizio in pianura. Non si può dire che, al momento della nascita, la fortuna lo avesse baciato in fronte, perché cresceva poco, era magro come un chiodo, sovente malaticcio e, soprattutto, disabile nel camminare.

D'estate, si accontentava di guardare gli altri ragazzini che correvano dietro al cerchione di una vecchia bicicletta, combinavano maracchelle con fionde di legno e una manciata di pietre, oppure giocavano con una palla fatta di stracci lungo i pendii, urlando a squarciagola, tanto da far rimbombare la valle. Flipòt era sempre solo e il suo desiderio più grande era quello di raggiungere piano piano il limitare di un castagneto dietro la baita, di sedersi su un ceppo e di ascoltare le voci del bosco.

La sua innocenza non si domandava il perché di quella sventura, ma un giorno in cui il bimbo era malinconico più del solito, si era sentito chiamare:

“Flipòt, non essere di cattivo umore. Se hai una pena che ti affligge, io sono qui, pronto ad aiutarti”.

Il bambino aveva alzato lo sguardo ad un ramo sopra la sua testa, dove si era posato un piccolo falco.





Flipöt

“Devi sapere che io sono al servizio della fata che protegge questa valle e ciò che sembra impossibile alla gente per lei è cosa da nulla. Il suo obiettivo è quello di fare del bene. Torna qui domani e ne parleremo meglio”.

Flipòt era stordito: un falco che parlava e che gli offriva, inoltre, un aiuto? Avrebbe voluto rispondere, ma le parole si erano fermate in gola.

Mentre il sole mandava pagliuzze dorate in mezzo al fogliame, la bestiolina aveva preso il volo e, in un battibaleno, era diventata un puntino nero lassù, sulla pietraia.

La notte trascorsa senza dormire aveva aumentato il desiderio dell'incontro del giorno seguente, poi, in poco tempo, i due erano diventati amici per la pelle. Per Flipòt si era aperto un mondo nuovo, che non avrebbe osato neppure immaginare. I nonni, ignari di tutto, rimarcavano soddissfatti il buonumore che si era impadronito del nipotino e sembrava che il bimbo fosse anche più in salute.

Era poi giunto l'autunno, seguito a ruota dall'inverno. Nonostante la neve avesse coperto le baite e la vallata, non esposta al sole, fosse priva di luce, i due amici si incontravano ogni giorno nel tepore della stalla; il piccolo falco entrava, non visto dagli altri, da una finestrella senza vetro.

Flipòt era dispiaciuto di non poter andare a scuola, ma occorreva scendere al paese, dove la giovane maestra riuniva in una stanza del comune gli scolari, dai più piccoli ai più grandicelli. Per lui camminare in mezzo alla neve costituiva un ostacolo, dunque si accontentava di imparare a leggere e a scrivere con l'insegnamento dei nonni. Ma l'incontro giornaliero con l'amico disceso dal cielo gli serviva per ascoltare e conoscere storie di tanti luoghi lontani dal suo.

Proprio per l'approssimarsi della bella stagione, la maestra, d'accordo con il sindaco, aveva organizzato una festa con una gara di slitini per i suoi alunni. Si trattava di attrezzi molto semplici, costruiti dagli anziani durante l'inverno, quando un freddo pungente concedeva un po' di riposo alle fatiche del lavoro e quindi si potevano accontentare i bambini.

Salendo a far visita a Flipòt, quella ragazza di buon cuore lo aveva invitato per la domenica seguente a scendere al paese, accompagnato dal nonno.

Partita la maestra, Flipòt attendeva impaziente l'amico del cuore e, mogio mogio, gli aveva confidato il dispiacere di non poter partecipare ai giochi.



“Chi ti dice che non possa prendervi parte? Dovrai fare soltanto come ti dirò io, mi raccomando”.

Il bimbo, incoraggiato, ne parlava in casa: al piacere di farsi portare alla festa si aggiungeva il desiderio timoroso della gara. Il nonno, nonostante avesse il cuore in pena per quel piccolo, aveva detto di sì e, preso dal fienile un vecchio slittino, si apprestava ad aggiustarlo.

Domenica mattina: un sole, che non scaldava ancora, tuttavia faceva ormai capolino dalla cresta della montagna e la sua luce rotolava sui muri delle baite pieni di profonde spaccature. Un garrulo raduno di bambini, avvolti nelle mantelline di panno e con bei pomelli rossi sulle guance, attendeva impaziente l'inizio della gara. Erano entusiasti per quella festa speciale e, all'arrivo di Flipòt, seduto sullo slittino trainato dal nonno, gli erano corsi incontro. Si trattava di scolaretti molto semplici, che non rimarcavano la diversità di quel coetaneo meno fortunato di loro e mai avrebbero immaginato perché anche lui si trovasse lì.

La neve era compatta come farina e abbagliava brillando sotto il sole della mattina molto limpida. Lungo la discesa, una fila di pali segnava il percorso; al fischio della maestra, i ragazzini si recavano alla linea di partenza. Giù il primo, più veloce del vento, poi il secondo e così il terzo. Flipòt incominciava a perdersi d'animo alla vista della bravura dei compagni ma, alzando lo sguardo al cielo, intravedeva qualcosa che si avvicinava sempre più. Una voce, che solo lui poteva udire, gli diceva:

“Andiamo, Flipòt, è arrivato il momento. Afferra questa corda e attacca il suo chiodo a gancio alla traversa dello slittino, poi lascia fare a me”.

Sbattendo le ali, il falco aveva allentato una matassa invisibile agli altri e un chiodo robusto era finito nelle mani del bambino, mentre il volatile girava in tondo. Il nonno, poveretto, chissà cosa avrebbe fatto piuttosto di essere lì in quel momento, testimone della sconfitta del nipotino e, soprattutto, con la paura che si facesse male. Ma, quando era toccato a lui, Flipòt, con le mani ben strette alla corda, aveva iniziato la corsa. Al suo passaggio accarezzava appena la neve, perché lo slittino volava leggero come una piuma. Il bimbo, con gli occhi chiusi, in un attimo era giunto al traguardo, passando in modo preciso fra tutti i paletti.

“Flipòt, sgancia il chiodo; ce l'abbiamo fatta!”.



E il falco, con la velocità di un guizzo di lampo, aveva ritirato sotto le ali l'ingegnosa magia.

Nessun altro partecipante aveva fatto una discesa migliore.

Aprendo gli occhi, Flipòt si era ritrovato circondato da piccoli e grandi che lo festeggiavano e, nel momento in cui il sindaco lo proclamava vincitore mettendogli al collo una medaglia, con le lacrime che scendevano copiose, guardava verso il sole.

Un uccellino continuava il suo girotondo sempre più in alto e al bambino sembrava che disegnasse dei cerchi che si incrociavano, dipinti con i colori presi in prestito dall'arcobaleno: ne vedeva uno azzurro, uno nero, uno rosso, uno verde, uno giallo. Un riverbero di luce candida formava una bandiera che sventolava fra le nuvole di cotone a passeggio nel cielo infinito.

